

Broj: 06-03-290-08/9/16
Mostar, 24.5.2016. godine

Na osnovu člana 21., člana 37. i člana 84. stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 20. Pravilnika za izdavanje dozvola („Službene novine Federacije BiH“ broj 43/14), postupajući po Zahtjevu za izdavanje dozvole za rad Operatoru za OIEiEK broj 06-03-290/9/16 od 03.03.2016. godine podnosioca zahtjeva Operator za obnovljive izvore energije i efikasnu kogeneraciju, Ul. Adema Buća br. 34, Mostar Regulatorna komisija za energiju u Federaciji Bosne i Hercegovine – FERK je dana 24.05.2016. godine na IX redovnoj sjednici donijela sljedeće

RJEŠENJE

1. Izdaje se Dozvola za rad Operatoru za OIEiEK podnosiocu zahtjeva Operator za obnovljive izvore energije i efikasnu kogeneraciju.
2. Dozvola za rad izdaje se na period od 04.09.2016. godine do 03.09.2026. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola iz tački 1. i 2. ovog rješenja.
4. Imalac dozvole je obavezan plaćati regulatornu naknadu na način i u iznosu koji utvrdi FERK posebnom odlukom.
5. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

FERK je 03.03.2016. godine primio od Operatora za obnovljive izvore energije i efikasnu kogeneraciju Zahtjev za izdavanje dozvole za rad Operatoru za OIEiEK broj 06-03-290/9/16.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da je podneseni zahtjev potpun u smislu člana 12. Pravilnika za izdavanje dozvola.

Postupajući u skladu sa članom 15. Pravilnika za izdavanje dozvola FERK je 01.04.2016. godine u „Dnevnom avazu“, „Večernjem listu“, „Nezavisnim novinama“ i na svojoj internet stranici objavio Obavještenje za javnost o podnesenom Zahtjevu za izdavanje dozvole za rad Operatoru za OIEiEK podnosioca zahtjeva Operatora za obnovljive izvore energije i efikasnu kogeneraciju. Povodom Obavještenja za javnost, FERK do roka naznačenog u obavještenju odnosno do 08.04.2016. godine, nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješaća.

Na osnovu navedenog, a u skladu sa članom 55. Pravilnika o javnim raspravama i rješavanju zahtjeva, sporova i žalbi, FERK je dopisom broj 06-03-290-02/9/16 od 08.04.2016. godine, obavijestio podnosioca zahtjeva o svojoj namjeri provođenja postupka izdavanja dozvole bez održavanja formalne rasprave, te istom dao mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do 13.04.2016. godine.

Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva je dostavio FERK-u dopis primljen 13.04.2016. godine pod brojem broj 06-03-290-03/9/16, u kojem je naveo da je saglasan da se postupak izdavanja dozvole provede po skraćenom postupku i nije iznio nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, pripremio Nacrt dozvole za rad za Operatora za OIEiEK po zahtjevu broj 06-03-290/9/16 od 03.03.2016. godine, podnosioca Operatora za obnovljive izvore energije i efikasnu kogeneraciju. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-290-04/32/15 od 15.04.2016. godine usvojio Nacrt dozvole za rad Operatoru za OIEiEK, dok je Odlukom FERK-a broj 06-03-290-05/9/16 od 15.04.2016. godine ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole za rad Operatoru za OIEiEK, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za rad Operatoru za OIEiEK mogu dati na opštoj raspravi koja je održana 28.04.2016. godine u 13:00 sati, u prostorijama FERK-a u Mostaru, a pisani komentari su se mogli dostaviti na adresu FERK-a ili na elektronsku adresu, u periodu od 19.04.2016. godine do 29.04.2016. godine do 14:00 sati.

Opštoj raspravi o Nacrtu dozvole za rad Operatoru za OIEiEK prisustvovali su predstavnici FERK-a i podnosioca zahtjeva. Podnosilac zahtjeva je istakao da nema primjedbi i da se u potpunosti slaže sa predloženim tekstom Nacrta dozvole.

Do ostavljenog roka za dostavu pisanih komentara, odnosno do 29.04.2016. godine do 14:00 sati, u FERK nisu primljeni pisani komentari na nacrt dozvole za rad Operatoru za OIEiEK.

U skladu sa članom 26. Pravilnika o javnim raspravama i rješavanju zahtjeva, sporova i žalbi i članom 19. Pravilnika za izdavanje dozvola, a na osnovu održane opšte rasprave, voditelj postupka pripremio je pisani izvještaj, koji je sadržavao kratak pregled toka rasprave, zapisnik sa opšte rasprave i preporuke, te je iste uputio podnosiocu zahtjeva na komentare 04.05.2016. godine pod brojem 06-03-290-06/9/15.

Podnosilac zahtjeva je povodom navedenog FERK-u dostavio 13.05.2016. godine dopis primljen u FERK pod brojem 06-03-290-07/9/15 u kojem je naveo da nema primjedbi na dostavljeni izvještaj, te nije dostavio druge dokaze i činjenice u vezi sa predmetom postupka.

Izvještaj voditelja postupka sa komentarima podnosioca zahtjeva dostavljen je članovima FERK-a dana 13.05.2016. godine pod internim brojem 06-08-521/16, na razmatranje radi donošenja odluke.

Obradom Zahtjeva za izdavanje dozvole za rad Operatoru za OIEiEK podnosioca Operatora za obnovljive izvore energije i efikasnu kogeneraciju i dokumentacije priložene

uz zahtjev, utvrđeno je da podnosilac zahtjeva ispunjava kriterije iz člana 41. Pravilnika za izdavanje dozvola. Na osnovu navedenog, kao i analize postupka opšte rasprave, odnosno izvještaja voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 42. Pravilnika za izdavanje dozvola određeni uslovi. Spomenuti uslovi uvažavaju potrebu, ali i obavezu Operatora za obnovljive izvore energije i efikasnu kogeneraciju da u rokovima propisanim u uslovima dozvole za rad Operatoru za OIEiEK iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić